

## Khutbah Jumaat . . .

tekdad perjuangan, menanamkan perasaan muhibbah, saling bantu-membantu dan mengatur barisan tenaga gotong-royong antara sesebuah negara Islam dengan negara Islam yang lain. Usaha-usaha ke jurusan ini sangat bertepatan sekali dengan sabda Rasulullah (S.A.W) dalam sebuah hadithnya yang berbunyi:

*“al-dīn al-naṣīhat, qulnā: li man yā Rasūl Allāh? Qāla: Lillāhi, wa likitābihi wa lirasūlihi wa li’ummati al-muslimīn wa ‘āmmatahum.”*

Maksudnya: “Agama itu adalah nasihat lalu kami bertanya,” (kata segolongan Sahabat): “Bagi siapa wahai Rasul Allah? Baginda menjawab: Bagi Allah, bagi kitab-Nya bagi Rasul-Nya dan bagi seumumnya umat Muslimin.

### **Wahai ikhwān al-Muslimīn!**

Dengan hadith di atas menunjukkan bahawa nasihat-menasihati itu adalah tanggungjawab yang terpikul di atas pundak setiap orang Islam, dengan adanya tegur-menegur nasihat-menasihati di kalangan masyarakat umat Islam, mereka akan terhindar daripada berselisih faham yang mencetuskan perbalahan dan persengketaan sesama sendiri, akhirnya membawa kepada pepecahan yang sangat dilarang oleh *rabb al-‘izzati* sebagai mana firman-Nya dalam Sūrah Āli ‘Imrān ayat (105):


*“Walā takūnū ka alladhīna tafarraquū wa ikhtalafū min ba‘di mā jā’ahumu al-bayyinatu wa’ulā’ika lahum ‘adhābu ‘adhīm.”*

Ertinya: Janganlah kamu menjadi sebagai orang-orang yang berpecah-belah dan bersengketa (berselisih faham) setelah datang kepada kamu keterangan-keterangan (dari al-Qur’ān) bagi mereka itu adalah azab yang besar.

Kalau seluruh umat Islam pada hari ini berpegang teguh dengan perintah “bersatu padu” dan menjauhkan diri dari jurang “persengketaan dan perbalahan” yang tidak habis-habisnya di sepanjang zaman, nescaya tidaklah mereka menjadi mangsa korban orang-orang Yahudi *Zionist* yang berasal dari satu bangsa yang tidak mempunyai tanah air. Sedang dalam saat yang sebegini gentinglah seluruh umat Islam mesti bersatu padu,

menyusun barisan perjuangan menentang musuh yang dengan terang-terangan telah mencabul kesucian agama dan bumi mereka dan dengan terang-terangan pula berani mencabar peribadi umat Islam yang berjumlah 600 juta jiwa di seluruh dunia dengan mengatakan bahawa mereka adalah satu umat yang lemah, tidak ada daya upaya untuk menentang kekuatan bangsa Yahudi yang hanya berjumlah 14 juta jiwa itu.

Tidakkah kamu berasa malu menerima cabaran yang sedemikian lancangnya yang telah diucapkan oleh pembesar-pembesar tentera Israel yang telah menganggap bangsa Yahudi adalah lebih kuat, lebih gagah dan lebih perkasa dari umat Islam seluruhnya. Cabaran yang sebegini biadab harus kita tentang dengan cabaran pula. Sebelum itu marilah kita menyusun barisan, mengatur persediaan dengan kembali kepada ajaran-ajaran Allah yang mewajibkan kita mesti bersatu padu dengan meninggalkan segala persengketaan sesama sendiri.



Angkatan DiRaja Yang Maha Mulia Shahansham<sup>1</sup> Iran sewaktu melalui jalan raya Jeddah dalam lawatan persahabatan baginda ke negara Sa‘udi ‘Arabiyyah pada bulan yang lalu.

<sup>1</sup> Perkataan sebenarnya adalah Shahanshah.

## Khutbah Jumaat . . .

Firman Allah:

*A'ūdhu billāhi min al-shaitāni al-rajīm*  
“*Yā ayyuha alladhīna āmanū ittaqū Allāha ḥaqqa tuqātīhi wa lā tamūtunna illā wa antum muslimūn, wa a'tasimū biḥabli Allāhi jamī'ā walā tafarraqu, wa adhkurū ni'mata Allāhi 'alaykum idh kuntum a'dā'a fa allaḥa bayna qulūbikum fa 'aṣbaḥtum bi ni'matihi ikhwānā, wa kuntum 'alā shafā ḥufrati mina al-nāri fa anḥadḥakum minhā, kaḍḥalika yubḥayyinu. Allāhu lakum ayātīhi la'allakum tahtadūn*”<sup>2</sup>

Ertinya: Wahai orang-orang yang beriman! Takutlah kamu kepada Allah dengan sebenar-benar takut. Janganlah kamu mati melainkan kamu sebagai orang-orang Islam. Berpegang teguhlah kamu dengan agama Allah, janganlah kamu berpecah belah

ingatlah kepada kurniaan Allah yang telah dilimpahkan-Nya ke atas kamu, ketika kamu bermusuhan-musuhan dahulunya, maka dipersatukan-Nya hati-hati kamu (dengan memeluk agama Islam), sehingga kamu dengan nikmat-Nya itu kamu jadi bersaudara; pada saat itu kamu sudah hampir ke tepi lubang neraka, maka Allah melepaskan kamu daripadanya. Demikianlah Allah menerangkan ayat-ayatnya kepada kamu, mudah-mudahan kamu mendapat pertunjuk.”

*Nafa'arū Allāh wa iyākum biḥadi kūtūbīhi, aqūlu qawli hadhā, wa astaghfiru Allāh al-'adhīm lī wa lakum, wa lisā'iri al-muslimīn min kulli dhanbi, Fa astaghfiruh, innahu huwa al-Ghafūr al-Raḥīm.*

Dipetik dan diterjemahkan daripada:

Akhbar al-'Alam al-Islami

Siri Kesah

Tokoh2 Sejarah IV

## **GABNOR dan HAKIM**

sa-buah 60 sen.

belanja Pos 10 sen.

Siri Kesah

Tokoh2 Sejarah V

## **DUSTA YAHUDI**

Harga 40 sen

Pos 10 sen

Pesan-lah kepada:

QALAM

8247, Jalan 225,

Petaling Jaya,

Selangor.



Anggota-anggota Persidangan “Kongres Islam Sedunia” sedang memperbincangkan masalah-masalah mengenai dunia Islam yang telah diadakan di kota Makkah al-Mukarramah pada tahun yang lalu.

<sup>2</sup> Sūrah Āli ‘Imrān ayat 102-103.